



VISITOR CARE

Manaaki manuhiri

HUMANITARIAN SUPPORT FOR FOREIGN NATIONALS

O le ā le mea e tupu pe afai ou te lē o fiafia i le auaunaga a le New Zealand Red Cross?

LAASAGA 1 – Faailoa muamua mai ia i matou le tulaga lea!

Afai e te lē o fiafia i la matou tautua o fai, faamolemole faailoa mai lea tulaga. Matou te fia iloa sou manatu ma foia faafitauli pe a talafeagai ai.

E mafai ona e faailoa mai i le visitorcare@redcross.org.nz pe vili le 0800 RED CROSS.

LAASAGA 2 – Faatalanoaina o se faaseā

Matou te malamalama e iai nisi taimi, e lē o iai se manatu i tagata e fai se faaseā aloaia peitai o loo iai se manatu i se faatoesega mai le New Zealand Red Cross, poo le faatino e le New Zealand Red Cross o auala e mautinoa ai e lē toe tupu le mea na tulai mai.

E muamua lava ona faatalanoa e le aufaigaluega a le New Zealand Red Cross le tulaga ma atugaluga ua feagai ma oe. A mae'a lea, ona tuuina atu lea o le avanoa ia te oe e tuuina mai ai sau faaseā aloaia pe afai e lē o faamalieina oe i se tali ua tuuina atu mai le faatalanoaga sa fai. E ia te oe le aiatatau e fai ai sau faaseā aloaia pe afai e lē o faamalieina lava oe i se faaiuga.

A faataunuu sau faaseā aloaia o lona uiga, o le a tofia se sui mai le New Zealand Red Cross na te taumafai e suesue atili tulaga o se faaseā ua tulai mai, ma faailoa atu ia te oe iuga mai le suesuega ma faatino loa se gaioiga i ai. O loo ta'ua i le Laasaga 3 ma le 4 le faagasologa o se suesuega e fai. E lafo atu foi se imeli poo se tusi e te malamalama ai i le faagasologa o se suesuega.



Working with the
New Zealand Government

LAASAGA 3 – Sailia nisi faamatalaga

E tāua tele ia i matou, tulaga ua faagaulēmalie ai se tasi i la matou tautua o loo fai. E moomia ona tatou talanoa faapena ma isi ua aafia i lau faaseā ina ia mafai ona matou malamalama atili i le mea ua tupu. A mae'a faatalanoaga nei ona matou faailoa atu lea o iuga na maua mai ai ma talosagaina sou manatu. E logo atu tualumaga ua oo i ai ma taimi faatulagaina e tuuina mai ai sau tali.

LAASAGA 4 – Faatino se gaoiga

O le a faailoa atu e le tagata na faatinoa le iloiloga o lau faaseā taunuuga o se suesuega sa fai. Afai o le taunuuga e mafai ona siitia ai le lelei o auaunaga o loo faatino e le New Zealand Red Cross, o le a faatino loa i se taimi vave ma talafeagai tulaga lea. O la matou faamoemoe o le saunia o se tautua lelei i tagata.

O le ā le mea e tupu pe afai ou te lē o fiafia pea i le auaunaga a le New Zealand Red Cross?

Faamolemole talanoa mai pe afai e te lē o fiafia pea i la matou auaunaga. Afai o se tulaga lena ua oo i ai, e mafai ona e talanoa i le Team Leader. Matou te uunaia oe e laasia lea tulaga.

E iai taimi e lē faamalieina ai oe i nisi o tulaga e lē mafaia ona matou puleaina. Afai ua e faailoa se atugaluga e lē mafai e le New Zealand Red Cross ona puleaina, o le a matou faailoa atu auaunaga e tataua ona e faafesootaia e faatalanoa ai lau mataupu.



Working with the
New Zealand Government